



Arkivnr: 2015/10949-1  
Saksbehandlar: Birthe Andersen Haugen

Saksframlegg

## Saksgang

Utval	Saknr.	Møtedato
Opplærings- og helseutvalet		10.11.2015

## Fylkeskommunale styremedlemmer i private skular

### Samandrag

Fylkeskommunen sin rett til å vere representert i styra ved dei frie skulane er heimla i friskulelova § 5-1 a. Ein representant oppnemnd av vertsfylket er gjeven rett til å vere til stades på møte i styret, til å seie meininga si og få denne tilført protokollen. Styret sine oppgåver er regulert i friskulelova § 5-2.

I delegasjonsreglementet til Hordaland fylkeskommune er fullmakta til å nemne opp ein representant til styret når det gjeld skular som er godkjende etter friskulelova § 2-1 bokstavane a-i (vidaregåande skular), lagt til Opplærings- og helseutvalet.

Med utgangspunkt i fylkeskommunen sitt ansvar som skuleeigar og plikter og rettar som det medfører overfor friskulane, meiner fylkesdirektør opplæring at det er viktig at fylkeskommunen nemner opp styremedlemmer og følgjer opp ansvaret sitt i styra.

### Forslag til vedtak

Frå 01.01.16 vert følgjande oppnemnt som styremedlemmer ved dei frie vidaregåande skulane i Hordaland fylke:

Framnes kristne vidaregåande skule: Regionleiar Annbjørg Laupsa  
Danielsen vidaregåande skole og Danielsen intensivgymnas: Seksjonsleiar Linda Farestveit  
Krokeide vidaregåande skole: Seksjonsleiar Torbjørn Mjelstad  
Rudolf Steinerskolen i Bergen: Regionleiar Sissel Øverdal  
Metis Akademiet Bergen: Regionleiar Sissel Øverdal  
Bergen Private Gymnas: Regionleiar Sissel Øverdal  
Sonans Bergen: Regionleiar Sissel Øverdal  
Kongshaug musikkgymnas: Seksjonsleiar Birthe Haugen  
Hop vidaregåande skole: Regionleiar Hillevi Runshaug  
St. Paul gymnas: Regionleiar Hillevi Runshaug  
Steinerskolen på Skjold: Seksjonsleiar Nina Ludvigsen

Rune Haugsdal  
fylkesrådmann

Svein Heggheim  
fylkesdirektør opplæring

*Saksframlegget er godkjent elektronisk og har derfor inga underskrift.*

## Fylkesrådmannen, 21.10.2015

### Bakgrunn for saka:

Fylkeskommunen sin rett til å vere representert i styra ved dei frie skulane er heimla i friskulelova § 5-1 a). Ein representant oppnemnd av vertysfylket er gjeven rett til å vere til stades på møte i styret, til å seie meininga si og få denne tilført protokollen.

Styret sine oppgåver er regulert i friskulelova § 5-2.

«Styret sine oppgåver.

Styret har den øvste leiinga av skulen og skal sjå til at skulen blir driven i samsvar med gjeldande lover og forskrifter.

Styret skal:

- a) sjå til at elevar i opplæringspliktig alder som blir tekne inn ved skulen, får oppfylt retten til grunnskuleopplæring, og melde frå til foreldra og heimkommunen til elevar som over lengre tid ikkje møter fram til undervisninga utan lovleg grunn,
- b) fastsetje storleiken på skulepengane,
- c) vedta budsjett og rekneskap for skulen,
- d) fastsetje inntaks- og ordensreglement for skulen,
- e) fremje saker om flytting etter § 3-3 første ledd og bortvising etter § 3-10 andre ledd,
- f) ha ansvar for at skulen har ei forsvarleg økonomi- og rekneskapsforvaltning,
- g) sjå til at offentlege tilskot og skulepengar kjem elevane til gode,
- h) sjå til at offentlege krav og føresetnader for verksemda blir oppfylte.
- i) sørge for å ha rett og nødvendig kompetanse i verksemda. Styret skal ha eit system som gir undervisningspersonale, skuleleiarar og personale med sær oppgåver ved skulen høve til nødvendig kompetanseutvikling, med sikte på å fornye og utvide den faglege og pedagogiske kunnskapen og å halde seg orienterte om og vere på høgde med utviklinga i skulen og samfunnet.
- j) tilsetje dagleg leiar.
- k) drøfte den årlege rapporten om tilstanden i skulen som er utarbeidd etter tredje ledd. Styret skal ha eit forsvarleg system for vurdering av om krava i gjeldande lover og forskrifter, og føresetnadene for godkjenninga blir oppfylte. Styret skal ha eit forsvarleg system for å følgje opp resultatane frå desse vurderingane og nasjonale kvalitetsvurderingar som departementet gjennomfører med heimel i § 7-2 tredje ledd. Som ein del av oppfølgingsansvaret skal det utarbeidast ein årleg rapport om tilstanden i skulen knytt til læringsresultat, fråfall og læringsmiljø. I andre saker enn dei som følgjer av andre og tredje ledd, kan styret med 2/3 fleirtal delegere avgjerdsretten»

#### *Framnes Kristne vidaregåande skule*

Framnes tilbyr utdanningsprogramma studiespesialisering og idrettsfag. Det er Indremisjonsforbundet og Indremisjonssamskipnaden som driv skulen. Skulen ligg i Norheimsund i Hardanger. Skulen er godkjend etter friskulelova §2-1a) og skal drive verksemda si på religiøst grunnlag.

#### *Steinerskolen i Bergen*

Steinerskolen sitt vidaregåande trinn gjev studiekompetanse tilsvarende dei studieførebuande utdanningsprogramma. Elevane får i tillegg til generell studiekompetanse læring og utvikling i musikk, kunst, handverk og friluftsliv. Skulen ligg på Storetveit i Bergen. Rudolf Steinerskolen i Bergen driv verksemda på grunnlag av ei anerkjent pedagogisk retning, jf. friskulelova § 2.1 b).

#### *Danielsen vidaregåande skole*

Danielsen vidaregåande skole tilbyr utdanningsprogramma studiespesialisering og helse- og oppvekstfag. Ein kan også ta påbygg til generell studiekompetanse ved skulen. Skulen er godkjend etter friskulelova § 2-1a) og skal drive verksemda si på religiøst grunnlag. Skulen held til i Bergen sentrum.

#### *Danielsen intensivgymnas*

Danielsen Intensivgymnas er godkjend etter friskulelova, som gir skulen eksamensrett. Skulen tilbyr kurs der elevane får standpunktkarakter.

*Krokeide videregående skule*

Krokeide videregående skule ligg i Bergen ca 2,5 mil frå sentrum. Skulen tilbyr yrkesretta vidaregåande opplæring for personar med fysiske eller psykiske funksjonsutfordringar eller lærevanskar. Skulen har tilbod innan elektrofag og service og samferdsel. Skulen er eigd av LHL (Landsforeningen for hjerte- og lungesyke). Skulen er godkjend etter friskulelova § 2.1 f).

*Metis Akademiet Bergen*

Skulen tilbyr følgjande utdanningsprogram: Studiespesialisering, media og kommunikasjon, service og samferdsel, påbygging til generell studiekompetanse og studiespesialisering med toppidrett. Skulen har lokale i Bergen sentrum. Skulen er godkjend etter friskulelova.

*Bergen Private Gymnas*

Skulen tilbyr utdanningsprogramma media og kommunikasjon, musikk, dans og drama og studiespesialisering. Skulen har lokale i Bergen sentrum. Skulen er godkjend etter friskulelova.

*Sonans videregående skole*

Skulen tilbyr utdanningsprogrammet studiespesialisering. Skulen har lokale i Bergen sentrum. Skulen er godkjend etter friskulelova.

*Kongshaug Musikkgyrnas*

Kongshaug Musikkgyrnas er ein kristen vidaregåande skule med utdanningstilbod i musikk under utdanningsprogrammet musikk, dans, drama. Skulen har internat. Skulen held til på Lepsøy i Os kommune. Skulen er godkjend etter friskulelova .

*Hop videregående skole*

Hop videregående skole på Askøy utanfor Bergen tilbyr eit særskilt tilrettelagt opplæringstilbod på Vg1 Teknisk og industriell produksjon, Vg1 Design og handverk og Vg2 Industriteknologi. Skulen er eigd av Blå Kors og driv si verksemd på religiøst grunnlag. Skulen er godkjent etter friskulelova § 2.1 a).

*St. Paul videregående skole*

St Paul videregående skole tilbyr studiespesialiserande utdanningsprogram. Skulen held til i Bergen sentrum. Skulen er godkjent etter friskulelova § 2-1a) og skal drive verksemda si på religiøst grunnlag.

*Steinerskolen på Skjold*

Skuletilbodet er for ungdom som av ulike grunnar ikkje finn seg til rette eller kan gjere seg nytte av det tradisjonelle vidaregåande opplæringstilbodet. Alle elevane har individuell opplæringsplan. Skulen er godkjent etter friskulelova § 2-1b).

*Oppnemning av fylkeskommunale styremedlemmer*

I delegasjonsreglementet til Hordaland fylkeskommune er fullmakta til å nemne opp ein representant til styret når det gjeld skular som er godkjende etter friskulelova §2-1 bokstavane a-i (vidaregåande skular), lagt til Opplærings- og helseutvalet. I perioden januar 2014 til dags dato har det vore oppnemnd fylkeskommunale styrerepresentantar til alle dei frie skulane. Styrerepresentanene har anten vore rektorar ved vidaregåande skular eller tilsette ved opplæringsavdelinga. Skulane melder tilbake at det av konkurranseomsyn er mest hensiktsmessing at tilsette ved opplæringsavdelinga er styrerepresentantar.

Med utgangspunkt i fylkeskommunen sitt ansvar som skuleeigar og plikter og rettar som det medfører overfor friskulane, meiner fylkesdirektør opplæring at det er viktig at fylkeskommunen nemner opp styremedlemmer og følgjer opp ansvaret sitt i styra.

Fylkesdirektør opplæring foreslår at følgjande vert oppnemnt som styremedlem ved dei frie vidaregåande skulane i Hordaland fylke:

Framnes kristne vidaregåande skule: Regionleiar Annbjørg Laupsa  
 Danielsen vidaregåande skole og Danielsen intensivgyrnas: Seksjonsleiar Linda Farestveit  
 Krokeide vidaregåande skole: Seksjonsleiar Torbjørn Mjelstad  
 Rudolf Steinerskolen i Bergen: Regionleiar Sissel Øverdal  
 Metis Akademiet Bergen: Regionleiar Sissel Øverdal  
 Bergen Private Gymnas: Regionleiar Sissel Øverdal

Sonans Bergen: Regionleiar Sissel Øverdal  
Kongshaug musikkgyrnas: Seksjonsleiar Birthe Haugen  
Hop videregående skole: Regionleiar Hillevi Runshaug  
St. Paul gymnas: Regionleiar Hillevi Runshaug  
Steinerskolen på Skjold: Seksjonsleiar Nina Ludvigsen